

SMELOL TI C'U S'ELAN IBI'IN

TI JUN PARAJE

La fundación de un paraje

POR

Manuel Gomez Hernandez

Tzotzil de Chamula

Edición de prueba

## INTRODUCCION

Esta historia, es uno que relata algo de un paraje que se encuentra en el pueblo de Chamula, que es el mismo municipio de Chamula. Forma parte de la tradición oral que es rica y abundante.

### Sbi jun paraje

Oy jun paraje ti oy ta yesil Chamulae.  
Ti stalel ti banomil ti oy ta sioqueb c'ac'ale,  
uni pach'al, vits, uni yaxaltic, uni jobeltic,  
uni domestic, uni tentic. Yan ti ta sjol vitse  
~~tulantica~~ Ja' jech xtoc'ti ta yec vitse  
ta x'ech jun muc' ta be vo'. Ti ta jot be vo'  
ti oy ta smalel c'ac'ale, oy nan vo'lajun joy  
ti leo stenleje. Yan ti snatile oy nan ve'vinic  
ta job.

Ja' jech xtoc ta x'ech jun muc' ta be ti ta  
xc'et ti ta yutil jteclum Chamulae. Ja' jech  
xtoc ti ta yac'ol bee, oy jnaclej cristianoetic.  
Jech o xal un ti c'u yepal ti cristiangetic ti  
nacalic ta yac'ol bee, ja' sbi'ic ti "Jya'al-  
vacaxetique". Ja' jech sbi ti jun paraje ti oy  
yosil Chamulae. Ja ti oy jun sat vo' ti ta o'l-  
ol stenleje.

Ti ta mas vc'ne tymeque, ta xalie ti moleti-  
que, ti muc' totiletique, ti c'alal ta x'ech'ic  
ta bee, ti c'alal syijil ac'ubale, ti c'alal  
syijil ti jme'tique, ti c'alal lec sac tajmec  
ti jme'tique, ta xaiic ti ta xilic jun muc' ta  
vacax, ti ta xloc talel ta tulantique, ta xtal  
yuch' vo' ta sat vo' ti oy ta o'lol stenleje  
--- xi ti moletique.

Ta xalic ti moletique, ti muc' totiletique  
ti c'alal ta xilic ti vacaxe, ep ta xi'ic taj-  
mec. ta xalic ti moletique, ti muc' totiletique  
manchuc mi ta la xyacubic, manchuc la mi tsots  
jyacubelic, pero c'alal ta xilic ti vacaxe, ta  
jech to yepal ta la xlèc ti :poxique, ja' ti mu  
no'ox la alabajuc ta la xi'ic tajmec. Ja' jech  
xtoc ta la xalic ti moletique, c'alal la mi laj  
yo'nton ta yach'el vo' ti vacaxe, ta la xaybal  
ta tulantic. Ta jech to yepal ta la sac ch'ay.

Jech o xal un ti moletique, ti muc' totiletique,  
lic yalic:

— Q'uel avil ti sat vo' li'e mu stac uch'el xi'ic  
la ti moletique. Ja' ti laj la yalic ti moletique  
Ti sat vo' li'e euxul-- xi'ic la . Ti mi ta la xij-  
nopajotic bal ta sti' ti sat vo' li'e, ta la xijch-  
amtic, yu'un ta xijyic'otic och'el ta vo'. Ja' jech  
unbi ta jech te yepal ta la xijchamotic -- xi'ic  
ti moletique.

Jech o xal un ti molctique, ti mac' totileque  
jal la mu'yuc la sventainic ti sat vo'e. Jal la  
mu'yuc laj yuch'ic ti vo'e. Jech o xal un ti sat  
vo'e, mu'yuc smelol icom. Noj icom ta c'aep,  
ta ton.

Pero tsa'cal to un ti cristianoetique ti moletique  
ti c'u yepal nacalèc ti cristianoetic ti ta jun  
jun paraje, lic stsob staq'uinic yo' ta smanic cantila  
pom, pox. Jech o xal un ti cristianoetique; ti c'alal  
ichapaj yu'unic ti c'usitic xtun yu'unique, lic spasic  
jun muc' ta q'uin. Laj la jyich toyel ta vob, ta  
tampol, ta nichin, ta cantila, ti sat vo'e.  
Scotolic ti cristianoetique, lic squejan sbaic ti  
ta sat vo'e. c'alal jech laj spasic ti

cristianoctique, ta la xalic ti moletique  
que ti sat vo'e laj la jyicta ta yil-  
bajinel ti cristianoetique-- xiic la ti  
moletique.

Jech o xal un scetol ti cristianoe-  
tique na'bil yu'unic ti sat vo' c'alal  
ta sta ti jujun q'uin Mayoe. Lee q'uin  
ta spasic. Ta smanic ep cantila. Ta  
xaq'uic ta sat vo'. Jech o xal un ja  
jech staoj yav ta spasolanic ti cristi-  
anoetic ta ora tana li'e. Ja' jech sm-  
elol ibin o ti jun paraje " Ya'alvacaxe.

Autor: Manucl Gomez Hernandez

Lengua: Tsotsil de Chamula

Investigador: Canute Jaoobo

Fecha: 8 de Enero de 1974

Esta edición está hecha bajo la  
dirección del Instituto Lingüístico  
de Verano y consta de 25 ejemplares.